

gaß, in des Gääsegäßi odder ins Määsegäßi, in die Fahrgaß odder die Haargaß verlegt un als Motto uff den Buchdeckel geschriwwe:

5 Um Erden seh ich stille Monde tanzen,
Die Erden winden sich um Sonnen hin,
Der Rathorn aber steht im großen Ganzen,
In dessen Schimmer alle Welten glühn.

Un daß er net behääpt hat, die Frankforter hätte Flichel, die merr nor net seh dhete, weil je den Rock drimwer aaziehe dhete, des war alles.

Die Vollezei odder un der Leibhaftig Deiwel, e Rathsherr un e Halbgott,
10 der Borjemääster un der derkisch Suldan, hawwe bei em in gleichem Rajech gestanne, un wan err als hat uff dem Römer zu dhü gehat, hat err schon am stäänern Haus uffem Mark die Schuh abgekrast. Zwmer sei schee un dheier Frankforter Mutterjprach is em odder gar nix gange; un von de Waldecker un Hannoveraner hat err behääpt, die dhete die Sprach verderwe un wärn kää
15 ächte Deutsche nei. Un wann err uns Kinner von de Kaiserkrönunge un Uffzick, von de große Scheiweschieße un Schlittsfahrte, vom Ferscht Primas un dem Siguck der Alljirte, vom Halseise un vom Rawestää, von de Konstamweler un de Bettelvöck, von de Gläätsreiter un de Fährnerichsmahlzeite, vom Ketteesjel un vom Ruhkalt verzehlt hat, das des Nachts uff der Gaß de
20 Leut uff de Buckel gesprunge is, da hawwe merr dagesoke un hawwe Maul un Nas uffgejperret. Un von alle dene Geschichte un weise Lehre kimmis ääch her, daß ich so e gelunge Frankforter Kind warn bin un Leib un Lewe uff mei Batterstadt halt, un im Frankfortische Deutsch merr en unsterbliche Lorbeerkranz von Reddensarte, die merr nor außerhalb net versieh dhut, uns
25 Haupt gewunne habb.

Awmer mei Großvatter hat's bei uns Kinner net beim bloße Verzähle bewenne lasse, err hat uns ääch, so zu sage, mit der Nas uff die Größ un den Glanz von unserer Batterstadt druffgestumpt. Ich meen, es wär ehricht gestern geweje, so gut dhun ich michs noch erinnern, wie ich emal uff en scheene
30 Middag in der Woch un im Sommer mei blau- und weißgestreifte Hösercher aakriecht habb, wo die Hüse und Kammeölercher in ääm warn, un die Hüse hinne mit bäänerne Knepp bis ganz enunner zugekneppt geweje sinn, un wie ich habb den Hemderkrage erausgelegt kriecht un e roth saßianern Kapp uff. Ich war damals e Viebche von e Zahrer fins un noch net weider komme
35 als um die Dhorn erum, odder in Rosebach sein Gaarte, odder bei'n Scheiwe uffs Klappersfeld, wo jetzt de Schandarme ihr Reitbah is, odder bei'n Roos uffen Sandweg, wo jetzt dem Schloß sei Cigaarnfawerik steht, odder uffen Schießplatz vor'm Allerhelljedhor, odder bei'n Fay im Divoli, wo ich emal von